

海色遙涵白日東。扶桑將相盡英雄。伊藤變法熙臣績。榎本治軍慮國忠。顧我老無經世策。知君才是濟時功。天山南北搜羅富。歸去酬勳禮益隆。

大清光緒三十三年蕤賓月下浣之四日。大日本國南州少

佐方家抵庫。迎風走謁。我中朝名貴。題贈甚多。因不揣謏陋。

勉成七律二章。敬祈郢政。

庫車直隸州事楚南袁彥薰

英雄崛起海天東。帶到扶桑曉日紅。詩興沈酣名士度。將才卓犖古人風。

摩挲景物輪蹄外。搜括山川指掌中。者度還鄉應共羨。爪泥遍印塞場鴻。

行旆風翻五月天。鞭停此地小流連。欽君眼界空千古。老我關山已卅年。

兩國協和償夙願。一時會合亦奇緣。臨岐未覓繞朝策。笑把新詩手自編。

丁未天貺後。南州日野君少佐。遊歷至此。接見傾談。甚佩高

風。因出小幀屬題。口占七絕二章五律二首奉贈。即希方家

雅正。

溫宿總鎮楚瀉壽吾氏湯詠山

中朝掌故訖瀛東。文物羅胸國士風。寶劍磨礪滄海日。光芒應射雪山紅。九萬風搏破浪來。全球周歷快登臺。知君文字江山助。杯酒英雄我笑陪。